

道咸同光四朝詩史甲集

陳衍署檢

PL  
2306  
.S8  
v.7







YORK UNIVERSITY

MAY 15 2001

EAST ASIAN STUDIES

左白玉字小蓮江蘇陽湖人常熟言大令良鈐之室

左

丞輔之孫女父名晨  
係長蘆批驗所大使

同治五年

旌表孝行

在室時  
為病母

割臂于歸後為  
翁姑病割臂有餐霞樓詩軼稿

題黃太孺人芝蘭松竹圖



惟竹有筠松有心風饕雪虐常青青閨閣徽音嗣鍾郝丹  
青妙筆圖儀形妙筆全將凡豔捐不栽桃李樹芝蘭芝蘭  
灌溉墨井水文學家聲縣不已披圖省識舊時容共慕歐  
陽賢母風在昔鸞絃易彈歇貞心堅矢柏舟節忍痛含悲  
幾廿年病魔時繞藥爐煙課兒畫荻書聲好燈前時誦瀧  
岡表竹有筠母德比其真松有心母德比其純芝蘭玉樹  
庭階秀高堂常蔭春暉春

題湯雨生太夫人斷釵吟二首

左小蓮之一



蓼莪句裏恨偏長  
釵斷眞如斷寸腸  
豈獨芳徽垂不朽  
冰心可與日爭光

茹荼飲蘖歷艱辛  
閩海滇雲恨未伸  
莫道春暉無可報  
花釵九樹奉慈親

李埏堂侍郎督學江蘇卒於位侍妾王氏自縊以殉  
大江南北紀事徵題

丈夫捐軀能有幾  
臨難猶思苟免耳  
天生義烈在蛾眉  
一死從容報知己  
蓉江之水清且長  
文宗玉尺來評量  
添香紅袖侍兩側  
中有執拂琅琊王  
琅琊生小壓羅綺  
班誡曹箴通義理  
美人之面烈士心  
夙秉堅貞世莫比  
自古榮華難永保  
長庚召赴蓬萊島  
人言身去不相隨  
死不相隨心不表  
君不見石家金谷梁氏樓  
花飛玉碎名常留  
正氣從



來天賦與千秋心迹堪相伴一死靡他從此矢倉皇掩袂  
呼天只重如山岳輕鴻毛生同生兮死同死烏啼月落起  
徬徨白練光飛玳瑁梁練光宛轉如飛雪分明皎潔妾心  
腸蟾蜍領縮鴛鴦結磨笄石化萇宏血一笑相逢在夜臺  
人間暫作須臾別朝來舉室盡驚惶燕子樓頭一夜霜霜  
寒纔見松筠操星小偏爭日月光光凝眸子枯如井環佩  
歸來蟾魄冷大吏飛章達紫宸禮宗彤管標紅粉滇南江  
左姓名馨好撰瑯琊節烈銘柳枝桃葉無顏色從此春風  
重女貞

壽畫舟中卽景

桂棹搖空自往還扁舟直接彩雲間一枝畫筆從何著秋  
水江潭雲外山



寫悶二首錄一

渺渺余懷寄玉壺  
秋風料峭客心孤  
飛鴻自有凌霜翮  
不羨畫屏金鷓鴣

秋夜

水精簾卷月華明  
八尺龍鬚錦褥更  
秋雨漸將煩暑滌  
新涼又怯夜寒生  
案頭列史焚香誦  
病裏吟詩倚枕成  
自是清商變時節  
每從棄扇獨關情

落花

飄茵落溷總傷情  
開到酴醿了却春  
似玉輕拋甯論價  
如珠投暗不沾塵  
濃陰結翠紅飛雨  
高柳吹綿雪點蘋  
莫爲榮枯增悵惘  
瑤臺好去證前因

嚴

鈿字也秋浙江桐鄉人有返梅魂香館詩稿

海甯馬蘭

香之室蘭香有拜竹庵詩稿  
名振元隱於下吏夫婦工詩

題稚蕓七妹孝女坊

松柏何矯矯女貞亦蒼蒼乾坤之正氣所鍾無陰陽我家  
有從妹秉性殊溫良所嗟幼失怙從兄官鬼方無端寇難  
作中夜報城亡阿兄能授命巷戰被賊戕妹隨母與嫂共  
殉池中央水淺不得死賊去奔踉蹌辛苦難具說閭闔歸  
故鄉身如待賈玉韞櫝而善藏萱花忽憔悴日暮憂難忘  
禱天請身代涕泣心彷徨遺體本父母割捨分所當至性  
格天心慈躬壽而康雖死亦何憾孝女名其揚愛我若同  
產賃廡經三霜刳股人不知獨我伺其旁君死豈沽名借  
爲家乘光殉國事不遂代親願竟償兄忠與妹孝兩事



同流芳有兄介朝貴乞 恩騰綠章 聖主奉 兩宮方  
慶孝治昌褒榮及處子入祠還建坊我詩雖不文此事洵  
非常當與曹娥碑千載相頡頏

送春

青帝憑誰管送迎一番風雨一番晴六朝金粉悲陳迹三  
月煙花阻去程春水綠波遊子夢天涯芳草美人情依依  
剩有梁間燕皎潔紅絲映月明

別恨年年強自持忽驚青鬢欲成絲每因遲暮生多感深  
悔蹉跎過後知管領羣芳曾作主徘徊晚景更憐誰行踪  
來去從天上暫向塵寰住一時



曾 懿字伯淵一字朗秋四川華陽人袁幼安大令之

室珏生太史勵準之母有古歡室詩詞集

屈女士蕙纓序云伯

淵夫人蜀之名媛門有通德兄弟姊妹皆以詩鳴情深語摯真浣花之嗣音也易觀察順鼎用珏生太史韻題二律有神仙福分閨中備姊妹才名海內知及桃韻中年龍過入桐棲早日鳳成雙之句

題吳侍御鴻恩驄馬導輿圖

驪歌三唱別燕京親奉慈輿按轡行萬里歸程班馬健一鞭斜日錦衣榮雲飛遠岫風無主樹捲秋濤月有聲回首帝城凝望處大椿深蔭玉堂明

文章勁節獨高標闕下陳書動九霄諫草葱茸離翰苑慈雲飄颻度軒輶函關風雪詩魂壯巫峽波濤歸夢遙故國山林春正永斑衣戲彩樂陶陶

閨中憶別呈外子都中

錦江春色好花擁玉堂深風雨滿天地離懷感古今三更  
遊子夢萬里老親心苦憶牽衣別啼痕尙在襟

海南芳信早梅柳著新年丹橘初頒賜朱櫻已薦鮮身安  
心不泰愁重酒難填夢到花潭上春風響杜鵑

枕函昨夜淚不見故鄉人啼夢兒驚喚家書雁寄頻蠻音  
山鳥語異味海魚新三月已揮扇炎蒸不算春

夫壻遊京洛鵬程萬里賒黃門控天馬御苑喜簪花錦織  
迴文豔詩題醉墨斜願君崇令德不敢惜年華

家貧爲客早忍淚別高堂患難同心共詩書夙願償盤餐  
野薺脆甕釀醴泉香菽水何時供春暉日正長

英霍患蛟外子賑饑詩以奉答

翩翩者鵬振翼雲霄之子于征自彼荒郊朝登山麓夕宿



江皋燦星被野零露盈條陰霾黯晦曜靈不驕洪流浩淼  
平陸騰蛟彼黍旣隕彼禾云凋哀鴻遍野饑哺嗷嗷蕭蕭  
君子誠篤可欽自夏徂秋淹留至今嗟我懷人永嘯長吟  
瞻望靡路離居同心橫琴不彈旨酒停樽游魚潛淵倦鳥  
歸林勉志修業以隆德音

季碩五妹以詩見示題其卷後

人生處世苦局促惟有新詩可傲俗搖筆長吟天地寬放  
懷何必爭榮辱吾家季妹詩最豪百篇揮灑才彌速哀豔  
應教謝鮑驚蒼涼直使韓蘇伏長途千里歷風塵牢愁欲  
效窮途哭閱歷因知世路艱翠袖單寒頻倚竹遨遊湖海  
衣化緇陶鑄江山字凝綠松壓嚴霜挺秀姿梅含古雪得  
奇馥清烈如聞越石笳激昂疑聽漸離筑掃除俗豔與凡

音開卷琳琅先豁目憶昔故鄉聚首時推敲共翦西窗燭  
裘葛回環踰十年吟囊早已盈千束自慚隨宦走皖江塵  
海羈縻總庸碌披卷真同下里音揮毫難奏陽春曲今君  
征棹赴姑蘇一路溪山詩料足酒酣落筆凌滄浪別緒匆  
匆夢魂逐宛轉相思何處尋臨風遙指君山麓

中秋對月感懷

迷離星斗接遙天玉臂生寒倍惘然捲幔惟聞風鐸響倚  
闌孤負月輪圓桂含清露香難挹藕斷絲柔情易牽悄悄向  
中庭覓詩句嫦娥應笑我無眠



汪韻梅字雪芬浙江錢塘人常熟言應千大令家駒之  
室有梅花館詩集

弔毘陵丁女靜蘭

二首

全家白骨葬清池冷客名園蔓草滋  
苦雨酸風傷獨活黃泉碧落寄相思  
可憐孤雁驚魂際正是慈烏痼疾時  
暗割雪膚香和藥堂前溫清强支持

絕命詞工志已成堅貞純孝兩分明  
春燈遙夜思鄉淚冷月空梁殉母情  
節著千秋名不死恩旌九陞事何榮  
寒檠讀罷傷心句清氣如蘭一縷生

送浣雲入都用漁洋秋柳韻

陽關一曲黯離魂又送征軺返里門  
疏柳幾行牽別恨秋花數點認啼痕  
行行殘月曉風際渺渺寒鴉流水村  
他日

蘭閨重話舊相思滋味細評論

紅葉蕭蕭染晚霜蘆花如雪撲寒塘傷離恨抱文通賦惜別詞添道韞箱三載交情成至契幾生因果證空王客中送客無聊甚夢繞京華畫錦坊

柔姿弱態不勝衣明月前身是也非獨擅才華天所賦雙修福慧世應稀綺琴三弄征鴻淚紈扇一團蝴蝶飛湓水聽山同感慨素心人遠賞音違

姊妹情深愛復憐墜歡疑雨又疑煙手分知已輕離別目極長途望邈綿羨子娛親當永日嗟予遠嫁動經年寄言嶺上梅開際好贈橫枝古驛邊

寄外遼西差次

秋水駕輕舸馳驅王事勞早涼新雨後可有贈綈袍



病枕不成寐橫空怕雁唳朦朧纔合眼恍惚到遼西

兩女知仲媳能詩爭相倡和喜示仲媳

戚姑詩筆名江左自愧無能步後塵喜爾隨肩互酬唱吟壇薪火有傳人

題先妣鄒太夫人味蔗軒遺集

國風采歌謠不因巾幗棄閨閣多賢媛豈僅酒食議吾母  
幼淑慎不爲兒嬉戲繡餘讀詩書四德悉純粹隨宦遊齊  
東孝友兩無愧作殯于先公敬戒主中饋吾祖瘁文衡節  
冷滇閩使家門盛科名同懷奮鵬翅戚姑年正高婦職益  
周至勉力奉晨昏典衣供藥餌吾父捷賢書禮闈傷十躓  
臯比隆趙州名動公卿屣桃李溥春風刀尺樓閨思苜蓿  
盤終虛悲生展禽謚嗟予五雁行撫育皆親累熒熒藐諸

孤慘慘呼天淚河干送櫬歸烽火江鄉悻補屋惟牽蘿長  
安居不易婚嫁得粗完兩荆枝又萎世胄竟凋零津門寓  
齋穉苦節天所褒乃得造物忌茹荼四十年蔗味痛難遂  
平生真性靈景物自言志愁來付短吟信筆記時事卽此  
一卷詩頗爲精神寄如見嘔心血如見貌顛顛頓身世厯諸  
艱十只道一二余也恐散佚敬謹爲編次萱蔭北堂摧劬  
勞猶可識書成付阿咸濡翰淚痕漬

寄大兄有章

又看中秋月良宵別思紛茗溪嗟遠嫁梁苑阻歸羣薄宦  
猪肝累長郵馬足分軍諮眞祭酒退食更論文



鄧一瑜字慧珏江蘇金匱人錢塘諸可寶之室有清足

居詩集及蕉窗詞

壬辰中秋五十述懷呈璞齋夫子兼示六弟

九首錄六

半百年華幾變遷滄桑彈指憶從前  
流離蚤作辭巢燕寥落渾如咽露蟬  
貧佐文簫聊寫韻才非德曜敢稱賢  
人間福慧成虛語偃仰浮生一惘然

草草勞人不自由已教善病況悲秋  
結茅莫遂名山志拱木難忘故隴愁  
拂拭襟懷徒浩浩平章歲月但悠悠  
百年半逐駒馳去貧賤夫妻漸白頭

少小聞詩憶過庭誰從曙後惜孤星  
舊游寥落空浮碧

章句

丞署在浮碧山之麓予少時嘗侍先君子遊焉

遺墨叢殘待殺青

方爲先嚴慈謀刻遺集

漫

許班昭能續史幾曾伏女解傳經窮途弱弟愁相對話到

傷心不忍聽

浪傳詠絮多新句夢訝生花筆已枯伊昔吟梅戀東閣於

今對月憶西湖孤山有分安吾骨大地何時息此軀

余有梅癖

兼愛西湖欲於孤山之麓卜一佳城尚無閒地可塋生壙樹有連枝鳥同命齊眉私願

乞黃姑

半生微尚託琴書有子徒勞說鳳雛倘事嬉游荒簡畢可  
能志量應桑弧門庭詎望施行馬車服還須愧令狐出處  
爾曹能努力老子瓢飲亦堪娛

古稀中壽尋常事來去心驚日孔長自覺形容非故態可  
憐時世又新妝繙書強作消憂計采藥難求駐景方有限  
年華宜自惜虛拋心力爲誰忙



李珍字閨儒江蘇上元人陳大令晉卿之室有碧筠

山館詩草

大令爲浙江海甯右族文士相夫教子賢明而多才宜統庚戌年逾八旬尙能拈毫

吟詠督課諸孫

### 值粵逆亂和外子韻

金風瑟瑟拂深林無限蒼涼暮景森  
一色水天迷曲渚數重嵐靄淨雲陰  
星霜閱歷征人髯歲月遷延壯士心  
無限傷懷嗟此夕那堪斷續聽殘砧

匆匆斗柄又將斜寶匣空餘劍吐華  
濟世無才辜妙略求仙何計覓靈槎  
當年壯志羞彈鋏是處商音怨暮笳  
聊借一枝偕隱遁江城兩度看黃花

煙靄蒼茫映夕暉江天清澈暮雲微  
伶俜傲骨鶴同瘦迢遞鄉心雁共飛  
明月閒樽惟影伴西窗剪燭已心違  
荒涼

滿目征輸急何日騰驤士馬肥

興亡自古勢如棋回首繁華百感悲  
廊廟應憐征戰苦山林空望太平時  
三年羈旅魂飄蕩萬里烽煙雁阻遲  
安得桃源逢舊侶秋風秋雨倍相思

玉關何日唱刀頭楓葉蘆花幾度秋  
楚塞月明誰弄笛巫山猿嘯客增愁  
翱翔空羨凌霄鶴閒逸難隨度水鷗  
煙樹忽驚遊子感西風蕭瑟帝王州

上將何時建凱功一年惆悵又秋風  
蟲聲幽咽悲殘月楓落淒清怨曉風  
四野傷心殘骨白萬方翹首捷旗紅  
勞人萍梗家何在欲向中山作醉翁



嚴頌萱字玫君浙江桐鄉人

適江蘇上元李氏能書畫善彈琴有澹香吟館詩草

讀先君清嘯樓遺集

詩是吾家事

用少陵句

斯編更不同清芬流百世正氣鬱孤忠

傳誦蠻荒外搜尋劫火中窮邊遺愛在墮淚爲羊公

先君於同

治乙丑殉難貴州石阡府任內朝廷卹典旣優士民追悼尤切

憶昔靈椿謝儂方襁褓年永懷恩罔極最小女偏憐豈解

傳經訓猶能認斷絃合成忠孝集花萼十分妍

與稚簫先姑母詩合

刊爲忠孝同懷集

孝哲毅皇后輓詞

升遐

帝駕六龍行遂迫

星軒返玉京獨抱湘君捐玦

恨誰明姜后脫簪情承華未建元良位長信難居頤養名

但祝女中

堯

舜壽垂簾仍復御昇平

惠陵抔上已乾無莫問忠貞晉大夫神器祇應兄及

弟徽音那得婦承姑鸞聲縹緲思黃竹鳳采銷沈泣

碧梧翹首愴呼天下母千秋明月一輪孤

滬江旅夜思慈親於吳門口占二律

殘月墮窗明思親夢不成心馳來去路指屈短長更避劫

全家寄

時吾鄉客民起  
衅因遷避焉

承歡兩地爭

頌萱與大姊居滬而  
少弟與二姊居吳彼

此爭迎天涯秋意滿白髮幾絲生

世緣都悟徹只戀北堂慈性僻惟親諒恩偏任女癡窮愁

詩卷訴淨業佛燈知明日家書至潘輿返有期

和也秋姑母詠蓮原韻

溯洄秋水惜分襟幾度凌波緩步尋風定香隨君子意江  
深冷透美人心自憐萬竅多何事誰說千年豔到今不向



東風訴幽怨飽餐涼露耐秋深

疊步周積甫舅父自粵東官舍寄示元韻

東山未許謝公眠一曲珠江萬里天遊宦老催雙鬢雪思

鄉夢繞六橋煙笳鳴塞月遙聲遞

謂鄰境越南事

詩詠官梅舊稿

編回首長安諸伴侶忍寒高處笑神仙

我學鳬雛傍母眠不將身世問蒼天無聊漸解書燈味有  
恨都消佛鼎煙晝短繡因摹帖廢秋深籬爲護花編若云  
似舅慚非分但焚心香拜謫仙

甲申仲夏粵督張孝達制軍過滬招少和弟隨入粵

署讀書因成五排二十二韻聊當話別

蓬矢生初射奇男志在斯能文騰譽早戀母出遊遲菽水

承歡日桃源避劫時

家鄉近爲客民所擾因遷居滬上

家貧問絃誦年少

負心期一自高軒過千間廣厦支名公眞愛士父執半兼

師

先大人曾與制軍昆玉聯譜

鞭許龍門執槎從蜃海隨四方新閱歷

兩世舊恩知

先大人曾襄制軍封翁春潭觀察戎幕

儂願爲遊子身偏作女

兒折磨因自悟吟誦不嫌癡弱息惟親恃同懷忍爾離昔

年雙角總我輩一肩差戲綵爭先後聯吟雜笑嬉鷓鴣方

擇木姊妹恰交枝

時蘭姊隨宦申江

話別圍燈火臨行愴酒卮秋

風江上棹春草夢中詩馨潔蘭猶若平安竹慰之蘇閨文

織錦

弟婦亦在滬上謝舅髻添絲三舅父从

越秀山程遠吳淞水

驛歧詩才須攬勝文境要探奇變化鯢難測騰驤馬不羈

春暉堂上永努力報萱慈



許禧身字仲諤浙江錢塘人陳後石尚書夔龍之繼室

有亭秋館詩鈔

尚書序云庚子之變余奉

旨留守

有暇晷輒挑燈煮茗賡和爲樂然亦不多作迨撫大梁吾女之喪無可排遣余有詩五十首仲諤亦成哀詩三十六首不忍卒讀嗣後西泠感逝橫橋望遠情所難遣一託諸詩今夏隨任武昌偶檢行篋已得存詩四百餘首是皆芳情之醞釀血淚之謳吟也

戊子冬日口占

膝下依依不解愁卅年荏苒任杭州無端一曲驪歌起拋却閨中舊綺樓

曉日微烘繡閣前丹青一卷獨流連金爐裊裊香煙起嬌婢殷勤捧硯田

搜索枯腸嬾詠吟繡窗閒暇度金針夕陽無語將西下何處寒風起暮砧

病體新瘳倦整鈿輕霏玉屑小堦前愁中怕弄梅花箋一曲清歌半不全

小病纏綿不耐風重幃深處一燈紅羅衾倦倚偏無夢臘鼓頻催隔院東

乙巳冬夢中卽事

十二年來不認親

次女故已十二年  
昨宵與姊同來

夢中隨姊定昏晨青

絲低挽雙鬟結仙髻雲裳恰稱身

夢兩女皆披  
鶴髻梳前髻

廿九日兒生辰在橫橋誦經三日

遠隔仙凡兩地牽光陰流水箭離弦今年霜冷西湖月去歲靈歸兜率天

兒生辰日供燭結花大如桃李

雙結瓊枝紅玉華紗籠錦幔不須遮攜來仙島慈雲蕊幻



作華堂慰母花瑞氣團團光閃彩輕煙裊裊色生霞長空  
鶴唳香風過今日重停七寶車

仲春草蘭又得並蒂花

淡泊胸懷名士襟結來清腕更同心香生雲閣雙肩彈韻  
繞蕉窗兩意沈淮浦澹園曾發秀金閨春院又成陰花仙  
何故偏多戲費我推敲獨自吟

和小石主人蘇臺留別韻

欲整歸裝又戀吳滿園落葉漸凋孤倚欄遙玩依花蝶款  
枕愁聽報曉烏兩岸月迎千樹柳片帆風送隔江蒲更欣  
離得爭名地暫作偷閒菊隱圖

小作勾留且住吳

擬租屋暫住蘇郡

故園咫尺未爲孤南歸欣羨

投林鳥北去愁瞻蔽日烏八載宦情縈笠屐廿年鄉夢寄

菰蒲斜暉返照疏林境隱約雲山入畫圖

相邀同玩浙江潮落葉催人暮雨瀟雁入長空鳴遠塞舟  
行淺水渡虹橋依稀青嶂朝聞磬隱約紅閨夜弄簫再譜  
驪歌心自感一腔愁緒繫柔條

莽莽狼烽隱九州風雲臺閣苦旁求願君權作歸巢燕弗  
羨飛鳴出水鷗琴鶴一肩鄉路熟煙螺萬疊客心愁年來

聚散渾無定催動行旌又晚秋

前歲回南送女柩安葬時正仲秋今又至其時

荻花楓葉早經霜再聽鐘聲出景陽野綠獨行窺雁陣輒

紅重踏聽鶯簧一航穩渡朝金闕萬里長征返故鄉柳

色樓頭增別意夕陽鞭影兩匆忙



嚴杏徵字蘭初浙江桐鄉人海甯馬鶴南別駕敏之室

有品簫樓詩鈔

鳧薌觀察震之從妹

哭少蘊從嫂馬夫人絕句十章並慰鳧薌從兄

歷盡滄桑六十年碧桃初熟便登仙

六月十三日爲君六旬初度而廿六日卽

仙逝矣傷心尺素空相約已絕今生一面緣

播岳新詞寫悼亡阿兄容易鬢成霜燕臺昨夜秋風動吹

落梧桐旅館涼

鳧薌從兄于役燕北

片石輕舟出鬱林荆釵眞有助廉心

君隨宦粵西歸無餘囊

屢屢炊

盡琴猶在可奈人亡響亦沈

鄰前珠玉競蜚聲

諸姪一列膠庠一膺拔萃一登賢書

更喜深閨學術精

諸姪

姪入各學校次第畢業

天意巧償賢母志臨危猶見子成名

先二日選拔揭曉

曉

招魂賦罷有餘思最感當年哭母時

昔吾母周太夫人訴去世君悲痛欲絕

到白頭親見事半生恩怨更誰知

紅燭當時照洞房小姑幾輩尙扶牀祇憐絕妙羹湯手泉

下君姑那得嘗

君于歸時三叔母錢太夫人去世已七年矣

三世朱陳互結婚也曾客裏共壺殮年來漸入桑榆景都

是含飴喜弄孫

扶風經室久生塵夢裏池塘草不春苦爲外家存弱息義

姑去後傍何人

君外家零落弟遺一女撫養如已出

講學宣文隔絳紗不將象服炫榮華多才夫婿佳兒女便

作神仙也憶家

哀謠動處海雲封阿母鸞輶竟躡蹤今昔吾家多恨事夜

潮嗚咽到吳淞

昔三叔母暨吾母皆歿於滬上今君之逝躡其蹤矣



繆寶娟字珊如江蘇常熟人李搏霄觀察振鵬之室有

吟秋閣詩草

繆汝生太守鍾洛邵生通守鍾渭之女兒邵生工詩姊弟時相唱和

題漢未央瓦硯歌

紫雲一片土花結寒光隱隱凝霜雪流落人間三千年不  
隨碑碣同磨滅古來宮闕盛炎劉未央宮與阿房伴阿房  
一炬成焦土漢家片瓦猶千秋片瓦功能奪真宰蛟龍泣  
罷嘯痕在質堅不爲歲月磨色古豈厯風霜改昌溪吳氏  
寶用之滄桑變幻不可知洪子嗜古有奇癖得從市上光  
陸離盛以寶盒盤蛟螭奇氣掩映珊瑚枝岱翁銘字工刻  
鏤鄧侯古篆形模舊精金可鑲石可灰此物永並鼎鐘壽  
再疊前韻寄呈曉峯侍御

壯懷磊落比秋高鷹隼凌霜健羽毛設教文翁化夷俗行

吟屈子賦湘臯縱談時事頻烹茗快讀佳章勝飲醪漆室  
憂深同魯女撫今懷古首徒搔

塞外懷古

身陷匈奴歲月長節毛落盡鬢如霜歸來漫道朱顏改留  
得丹心報漢皇

轅門日落鼓聲催匹馬曾經百戰來五字河梁千古歎更  
無人問李陵臺

感事

戊戌秋

秋老邊城萬木摧北風吹雁又南回屢聞魏絳和戎去無  
復虞卿說趙來白璧徒傷齊敵國萬金幾見築高臺朱雲  
請劍誠何補輔治還須社稷才



蕭道管字道安福建侯官人陳石遺學部衍之室有蕭

閒堂遺詩一卷

不寐聯句

涼宵同不寐無計阻生愁  
淡淡玉鉤月盈盈銀漢流  
石挑燈牽絮語掩卷起清謳  
任汝蹉跎去他年始白頭

道

題澄瀾閣下柳

澄瀾高閣畔獨有柳條新  
共此依依立青春二十人

宿雨初止曉坐聯句

止止多明室幽居趣便長

石

柳偏增雨重花矮避風狂  
啜茗便閒讀鉤簾嬾薄粧

道

曉寒君已賦請寫衍波光

石

龍華鎮看桃花

龍華桃花十五里桃花紅  
白玫瑰紫遊人看花兼看人馬

如遊龍車如水冑枝裙袂香春風映肉花光一何綺遊人  
只恐斜陽暮照影爭憐綠波美長安水邊不可見湖西花  
鈿只如此明朝處處賣花聲苦報春光疾如駛

春陰 三首

斜桷初停雨脚懸閑階青徧沈郎錢何人解寫餘寒帖珍  
重春衣卸到綿

一架冬藤倒復扶晚春花塢夕陽無却寒簾外天如墨合  
寫蠻鳩筍竹圖

春泥滑滑徧天涯謝客閒愁手又叉便是無憂好門館欄  
干長日數楊花



張寶慧字夢蘭四川宜賓人張鑒彥之女有芋香亭集

文丞相琴歌

絲桐七尺丞相琴不是尋常山水音當時丞相一再鼓波  
濤瀕洞蛟龍吟丞相中年罷官去聲妓滿前紛若霧早知  
鼎沸會有時豈料陸沈及身遇猖狂敵騎徧臨安散盡家  
財事本難勤王費盡孤臣力報國心餘一寸丹此琴亂後  
藏何所六百年來欣尙覩崖山往事琴能言切切悲鳴雜  
風雨

秦良玉錦袍

扶輿閒氣鍾釵裙弓刀隊裏女將軍公瑾小喬嫌不武李  
波小妹愧無文播州戰鼓鼙鼙急試手從軍木蘭匹金筑  
頻清七寨塵遼河獨肅三軍律內訌外侮何縱橫感激勤

王子弟兵榮戟一門人共羨新詩四首帝親擎劉羅小鼠  
紛剽掠敢向蜀中恣威虐一笑頻舉大將旗渠魁親手軍  
前縛太息撫軍邵與陳奇謀不用國無人滄桑已厯人間  
世兵火猶留劫後身錦袍一襲今猶在想像著來頻奏凱  
暗澹長餘戰血紅九蟒宛延晃光彩憑弔山河石柱中當  
時盧史尙英風紛紛笑殺諸降將不及秦家巾幗雄

月

誰把浮雲掃姮娥儼在茲征人望鄉處少婦倚樓時圓缺  
終年易悲歡逐境移裴回不忍去坐久露華滋



丁毓瑛字蘊如江蘇宜興人言仲淵觀察敦源之室有  
靜馥閣詩草

望雪遲兩兒不至

雪花厯亂寂無聲拂曉雲開又放晴料得遠山添畫稿定  
知大野足春耕風塵驛路征衫薄琴劍歸裝馬背輕官閣  
臘梅動詩興圍爐待爾與同評

題繆夫人吟秋閣詩草

騷壇讓主晉秦盟惆悵天涯未識荆仁孝慈真宏女德畫  
詩書更見才情眼前宜廣無雙譜身後猶爭不朽名儻值  
乾嘉全盛日隨園弟子共蜚聲

卽景

藥爐茶竈慣生涯隱几時聞人語譁虛白室兼明妙境半

窗斜月半簾花

雨過

雨過生機暢憑欄翠入眸  
菜肥應坼甲花懶尙垂頭  
蝶翅飛難起鳩呼聽不休  
聲聲殘溜在銀浦看雲流



吳芝瑛字紫英安徽桐城人無錫廉惠卿部郎泉之室

摯甫京卿汝綸之猶女工  
詩文善書八法冠絕一時

楞嚴書竟敬題二首奉呈夫子並海內外諸長者居

士於時南湖新月正流照寫經室窗戶也

寫藏惶悚真心住啟請殷勤道力全無漏願修三妙學空  
華盡縛一狂緣五重煩惱實驚怖百億浮漚決弃捐失笑  
旅亭指明月更從是處見林泉

十方塵象法輪轉八部天龍大衆俱擁護沈冥生覺海思  
維窮露獲明珠翹誠淚雨宣神咒頂禮迷雲霽聖湖發猛  
同舒金色臂楞嚴成就首浮圖

附節錄紫英女士寫成楞嚴五卷自跋中語 南湖新

居成夫子流連湖上旬日而返爲芝瑛言曰吾昨登北

高峰俯瞰諸天凡想都盡恨其間殿宇高曠四周限隔眼界盡蔽物華於是蒼茫四顧發一大願須於其間造十三級浮圖由下而上級刻大佛頂首楞嚴經一卷十級經盡於十一級作井字室中具几案牀榻茗菴楮墨春秋佳日遊人憩焉更上則刻造塔因緣及出財者名姓事略極頂乃仿龍門造像撫吾兩人及出財諸長者居士父母小影卽塔下闢石屋鍵本經墨蹟其中後世將必有寶貴之者汝能爲我寫一通將徧歷海內募資成塔蓋聖湖諸勝曠絕無有逾北高峰者而年來洵息縈吾心目亦無有過於首楞嚴經也一笑而罷



呂清揚字眉生安徽旌德人有遼東小草

與姊惠如妹碧城均主持

女學兼工詞翰世稱呂氏三姊妹張提學鶴齡延女士至奉天省城充女師範學堂總教習勤於訓迪多所成就遼東小草即客奉時所作各體均雅潔五古尤有初唐氣息思親憂國耿耿不寐託詠歌以見志抱空谷之幽馨雜詩詠蘭云枳棘與榛莽咸使被芬芳臭味期同化無慙王者香女士蓋借以自况也女國民歌六章為時傳誦北方女學校咸被之管絃然女士詩筆靜峭力追古人此歌僅以開通女界振起閨風非其經意之作也

海上

霞明海天晚絳霧何冥冥  
瀲灩天際波一碧蕩空明  
岸靜絕音響惟聞齧浪聲  
此時弄扁舟悠然生遠情  
散我連卷髮天風吹泠泠  
淡我胸中慮鷗鷺不相驚  
海昏怒浪起一葉東西傾  
詎甘波濤險良勝大陸平  
波濤有時靜大陸多崎嶇  
容與望中流一笑謝塵音  
雙槳鼓前進豈識雲霧深

擬古

辛苦擷幽蘭贈君紉秋佩中情自芳潔豈徒託歡愛  
道遠遺芳馨歸來淚如雨豈爲美人憐珍重寸情苦  
憔悴江干道涕淚盈懷抱枳棘滿春風欲采無芳草  
敗芷咽秋煙荒蘭鬱幽渚一自湘靈遙年年怨風雨

贈舒彬儒

鴻儀

先生卽步揖唐原韻

憂國常教涕似瀾靜觀時局判悲歡肯傾白墮權埋醉只  
爲蒼生繫此官紫雁龍沙秋色遠黃花驛路朔風寒知君  
一笑揚鞭去惟有新詩壓錦鞍

送崑秀四妹由天津南歸

憶昔慘痛摧靈椿有母四雛孤無親伯氏將嫁叔季幼余  
雖及笄猶天真吾親多女亦自足慰情勝無娛昏晨負郭



有田二百頃倉廩常豐未爲貧  
熒熒母子影相守亦將樂  
此春復春暖衣足食嫉強族以暴凌  
弱時見瞋覆巢毀卵  
去鄉井相攜痛哭長河濱  
途窮日暮空踟躕朔風誰憐吹  
葛巾慈親有訓勉自立委身女學  
奔風塵負米各走千里  
外生女庶不差鄉鄰而今喜能供  
甘旨不憂食藿衣懸鶉  
長松擎雪轉蒼翠危石懸崖愈嶙  
峋不教老死困閨閣蒼  
蒼始信皇天仁躊躇此日差滿志  
低徊往事猶酸辛燈前  
昨夜接家書爲道高堂白髮新  
函商往復遣子季歸侍庭  
闈老病身自憐出塞三年客執手  
送歸猶未得欲折垂楊  
遠贈君遼東二月無春色應知有  
姊送登程汽車飛去孤  
煙黑今宵有夢渡黃河此心遙去  
隨君側入門未見應先  
呼歡動慈顏喜無極殷勤爲我報  
高堂明歲歸來捧壽觴

輓張筱圃 鶴齡

學使

時奉天學界議欲醵金立紀念碑故二章云然

人嗟梁木壞我爲斯文痛金鐸慘不宣何以詔來衆  
教澤濡何深春風慘桃李會看蠹豐碑峨峨爲公紀  
席珍敢云聘皋比忝茲位詎關鍾期感邦國悲殄瘁  
陽湖返旅櫬不回使君驂詩成楓林黑魂兮哀江南

酬孫師鄭先生

康成久沒世譚經誰復傳乃有儒者徒師古精槩鉛著述  
等身富一室叢簡編歐化自東漸漢學丕變遷茫茫拾墜  
緒國粹賴以延顧孰能肩此嗟哉孫子賢

深閨有一士久作遼天鶴枳棘雖不棲飛羞附鵬鶚世態  
方熙熙余懷殊漠漠薄游遇津沽論道爭糟粕季世麟鳳  
游非祥轉成惡片語持贈君相期保明哲



楊莊字少姬湖南善化人哲子京卿度之女弟

上海旅舍作

微雨生新涼孟夏如深秋鳴蜩斂夕音熠燿迎風流羣居  
情不孤心迴境自幽宵空起清吹離思方悠悠豈伊川塗  
賔念此躔運道頻年嬰憂瘵憔悴忝嘉猷翩然冀遐征投  
袂涉長流眞契始爾萌外物迫相尤洪川無蘋藻何以別  
沈浮高岑盡芳馨何以別薰蕕微生信有區人理諒難侔  
旣警素絲泣鮮復歧路憂吾生自有涯慷慨惜年徂慕茲  
狙公術慨彼漆室愁先民有遺規道在復何求

渡海作

平生嬰憂患意趣常蕭寥偶有乘桴志遂與江漢遼泛茲  
滄溟闊頓覺天宇高清霄靜娟娟洪流駭滔滔偃仰馭長

風浩蕩神襟超信懷宗生願詎有安期招徘徊眷殊庭  
恨悲逝濤憑虛俯瀛寰顧盼思鬱陶進德智旣薄幽居  
匪要仰高常更卑冀長仍自消撫已諒無極慨世復增  
怵迺適安可振雰霧孰能昭鷹隼自翼翼鸞鳳徒翛  
翛倚嘯竟奚補恤緯誠空謠理感信無怡慨然寄長臆



華金婉字秀芬湖南長沙人曾重伯太史廣鈞之副室

有秀芬吟稿

陳子言布衣詩云此數詩卽太史所作

庚子落葉詞

原十二首今錄七

甄官一夕淪秦璽疏勒千年出漢泉  
鳳尾檀槽陪玉輦龍香寶珞殉金鈿  
文鸞去日紅爲淚輕燕仙時紫化煙  
十月帝城飛木葉更於何處聽哀蟬

赤闌迴合翠淪漪帝子精誠化鳥歸  
重璧招魂傷穆滿漸臺持節召貞妃  
清明寒食年年憶城郭人民事事非  
寶瑟流哀彈別鳳寒魚衰雁盡驚飛

銀牀玉露冷金鋪碧化長虹轉鹿轡  
姑惡聲聲啼苦竹子規夜夜叫蒼梧  
破家叵耐雲昭訓殉國爭憐李寶符  
料得珮環歸月下滿身星斗泣紅葉

王母傳籌擁桂旗闔門宣敕肯教遲漢家法度天難問敵  
國文明佛不知十宅少人簪白奈六宮同日策青驪昆明  
池上黏天草只託微波訴菴蔬

簾外曉風吹碧桃未央前殿咽秦簫石華廣袖誰人攬沈  
水奇香定未燒荷露有情同粉淚菱波無賴學纖腰雲袍  
枉繡留仙褶碧海青天任寂寥

姊弟雙飛入望僊鳳幃元自賜恩偏賞花昔昔陪銅輦闕  
草朝朝費玉錢秦苑綠蕪悲夕照梁園春雪憶華年身名  
祇合理青史何水何山認墓田

嫋嫋靈風起綠萍幽憐斷續掩春星白楊徑斷聞山鳥紅  
藕行疏度冷螢關塞夢魂悲歲月水天愁思接丹青鑾輿  
縱返填橋鵲咫尺黃姑隔畫屏

成

果

法名新因

字寶樹廣東番禺人有小浮山齋詩

俗姓陳氏

主飛來長壽二寺席精寫梅花自重其畫不輕投贈嘗有句云畫不詩禪徒畫匠禪非詩畫不流暢必也詩兼書畫禪宗風今日誰提唱蓋自讚也

擬王摩詰尋隱者不遇

不必知幽處扶筇入碧峰林間纔見寺雲外忽聞鐘野犬有時吠幽人不可逢何當生羽翰天際逐騎龍

厓門謁三大忠祠

已無寸土失江南大厦難支諒已諳靡伯自懷興夏志仲連甯忍帝秦慙腥風碧海蛟龍泣浩氣黃冠鼎鑊甘惆悵靈祠薦蘋藻潮聲猶似戰聲酣

題湯雨生參戎畫梅

杜陵評書誠高論筆所未到氣已吞湯君寫梅證此妙毫



端躍出惟花魂

日南范阮二槎使過訪喜而賦贈

早訝鈴聲爲報傳清風知到玉堂仙喜來海國瀛洲客共  
證中華玉版禪鴻爪印留三島雪詩名喧徧十洲天萬邦  
書慶同文日又結山僧翰墨緣

當年離六賦游仙

謂開山祖大汕長老離六堂是其集名

早有清名海外傳

一自先人承法施

大汕祖遊日南國王厚施助修本寺

至今遺渥尙心鐫梯

航幸覩皇華使風度如親白樂天香火夙緣倘重續莫因

島遠吝鴻篇

天河

何處溯源頭橫空瀉不休蕩殘千古夢洗出九秋天銀浪  
此懸掛人間不泛流乾坤旋轉理將問漢張侯

敬 安字寄禪湖南湘潭人有八指頭陀詩集

王壬秋爲作序

云寄禪和尚本姓黃以慧業故不由識字自然能文

祝髮示弟 癸酉補作

人間火宅不可住我生不辰淚如雨母死我年方七歲我  
弟當時猶哺乳撫棺尋母哭失聲我父以言相慰撫道母  
已逝猶有父有父自然爲汝怙那堪一旦父亦逝惟弟與  
我共荒宇悠悠悲恨久難伸搔首問天天不語竊思有弟  
繼宗支我學浮屠弟其許豈爲無家乃出家歎息人生如  
寄旅此情告弟弟勿悲我行我法弟繩武

題天台十甲子老僧坐禪處

萬木森寒入翠微飄然鶴髮久忘機溪聲畢竟無今古山  
色何曾有是非澗草自迷遊客屐巖花時落坐禪衣問師

何代天台住手種青松已十圍

贈陳伯嚴

陳侯亦洒落對酒每高歌  
好客黃金盡論交白髮多  
雲深三楚樹夢繞九江波  
乘興且行樂浮生能幾何

穆廟諱日讀吳侍御可讀遺疏

二首

鼎湖龍日去歲莫獨愁時已失中興主  
長留四海悲西風  
惠陵晚落日薊門遲欲共忠魂語  
含悽祇淚垂

國步艱危際孤臣涕淚中  
前星虛帝座  
七廟起悲風  
丹檻攀無及蒼梧怨不窮  
萬方同一哭誰復殉遺弓

花藥寺

花藥阿蘭若重來二十年  
紺園空宿草碧殿鎖寒烟  
零落嗟今日艱難憶昔賢  
瀟湘無限意惆悵夕陽邊



贈易與凡

拔劍高歌對酒卮  
酒酣爲說戍邊時  
夢隨關月還家遠  
馬踐河冰出塞遲  
青冢至今餘漢碣  
黃沙終古陷秦師  
憐君萬里封侯願  
贏得西風兩鬢絲

鄭州河決歌

嗚呼聖人千載不復生  
黃河之水何時清  
濁浪排空倒山岳  
須臾淪沒七十城  
蛟龍吐霧蔽天黑  
不聞哭聲聞水聲  
天子宵衣起長歎  
詔起師臣出防捍  
帑金萬鎰填洪流  
黃河之工猶未半  
精衛含愁河伯怒  
桃花春汛益汗漫  
明廷下詔罪有司  
有司堆胸向天悲  
吁嗟乎時事艱難乃如此  
余獨何心惜一死  
捨身願入黃流中  
抗濤速使河成功

題王萼宸觀察臺警夜渡圖二首

神州論險要臺嶠信孤懸海濶魚龍夜心傷戰伐年曾聞  
木罌渡竟遇水雷前虎穴身能入英風尙凜然

小醜甯能滅王師豈在多初傳橫海捷仍許郅支和太息  
援邊詔空揮返日戈披圖話陳蹟淒惻漢山河

正月二十六日由衡陽至長沙四首

錄三

孤舟仍遠涉落日悵離羣寒嶼明微雪春波聚細紋乾坤  
信虛棹身世薄浮雲自笑平生事旁人未遣聞

高枕滄江夜凝情默語時往來徒自苦天地欲誰私細雨  
孤帆溼寒鐙春夢遲百年猶旦莫擾擾復何之

野寺鐘鳴寂江皋水氣沉曉星寒欲墮旭日暖初臨大覺  
誰能證虛空不住心欲知清淨義試聽棹歌音

裴文禩字殷年號珠江越南國人

珠江爲越南河內仁府金榜縣人官禮

部侍郎光緒丁丑充貢部正使來遊上國歸時道出

鄂湘由楊蓬海太守恩壽伴送唱和之詩各有五十

餘首名曰雉舟酬唱集此編附錄越南裴文禩阮

述及朝鮮金澤榮諸家詩於卷末以爲藩屬之紀念

嗚呼越南已早爲法亡朝鮮又新爲日滅藩封既削

唇齒皆寒杞人之憂曷有極耶時爲宣統二年八月

朔日蓋日韓合併問題甫於前月之杪宣布也

名爲合併實則吞噬亡國滅種殷鑒不遠噫嘻

赤壁懷古

東風何處便周郎平楚寒煙一莽蒼吳蜀空餘形勝地孫

曹誰辨戰爭場蘇髯二賦傳偏誤諸葛孤臺說更荒過客

南來懷古意悠悠宇宙付滄桑

武昌感懷

黃鶴樓邊夕照斜鳳凰山上白雲遮鳳飛鶴去已千古李

筆崔題傳二家漢水波濤驚度雁晴川楊柳不勝鴉春風



隔樹吹何處鐵笛無聲起暮笳

呈孫琴西方伯

衣言

黃鶴仙人下碧霄鳳凰秀氣鬱嵒堯海天共識蘇霜鬢湖  
地長歌召雨苗白雪郢中高唱滿

公賜詩  
文集

清風春座俗塵

消離亭一夜梅花笛江漢游洄夢想遙

鄂渚煙花繫小輪李崔詩客夢中頻琴西騷雅稱夫子湖  
北風流作主人翰墨笑談千古事襟懷瀟灑一江春漢陽  
草樹晴雲暮冠劍重來此問津

和楊太守渡江之作

九迴曲折歷川源鄂渚通潮萬里奔終古長江浮日夜一  
山大別峙乾坤闕河晚棹清風度心事中流白水論不見  
祖生誰擊楫春波浩蕩漲荒原

金澤榮字滄江朝鮮國人有滄江詩集

袁祖光緣天香雪簾詩話云李

可亭示余高麗遺臣金滄江詩一冊並言金以本國三品通政大夫棄如委蛻來南通州依張季直殿撰以居身世蒼涼黍油哀感備見於詩其感悼懷人諸作可與彼邦近數十年小史參讀又云滄江詩伊鬱悲涼亡國詩人頗與遺山爲近又有和日日本米溪詠殘螢詩其氣概足以凌轢東人蛙枯猶怒蟲死不僵孤絃白鳴可哀也已

和日日本米溪氏詠殘螢詩

日月不爲大殘螢不爲小請除分別心與我游天表

落葉

錦葉凋霜別思盈瀟瀟寒雨打簾旌無端滴到秋心處共作回風滿院聲

靈均魂氣極青楓商婦琵琶拉雜中并作新愁來萬里南天木落大江空

落梅

霜梢日日信頻探  
愛惜零紅嚼未甘  
風雪打人殘酒醒  
一枝哀笛過江南

感事懷人八首

半夜狂風海上來  
元冬霹靂漢城摧  
朝衣鬼泣嵇公血  
犀甲天慳范蠡才  
壚底死灰心共冷  
天涯芳草首難回  
蘭成識字知何用  
空賦江南一段哀

垂楊垂柳不勝垂  
淚水東邊喚渡時  
樓閣參差朝霧重  
江山平遠夕陽遲  
至今父老懷箕子  
無限英雄說乙支  
弔古牡丹峰上去  
天風忽送管絃悲

鎖鑰重關鐵嶺層  
鬱蔥佳氣近咸興  
老成籌略金宗瑞  
荒遠封疆穆克登  
海岸樓臺朝結蜃  
獵圍風雪晚呼鷹  
寄言



關市扶桑客聖主如今任股肱

七十諸侯控將臺平明煙火達城開青峰直向萊州落畫  
角寒搖洛水回名酒正銷羈旅恨悲風還憶古人才列邦  
通市紛紛事誰禁輪船截海來

金陵西去馬蹄輕到處看山白眼明蔥秀關前泉似玉洞  
仙祠畔樹如城度關漸覺歌謠壯出峽新驚地勢傾犁雨  
樵風三百里黃州燈火夜江聲

提督東征慷慨歌秦庭七日事如何甲包糧食朝踰海火  
照江山夜破倭京觀土花埋劍戟荒祠春雨蔭藤蘿車公

天露版韓公

漢

筆十萬貔貅盡擲戈

殷禮東來始變夷東川虎踞自男兒何知禹貢堯封外略  
似三王五霸時壇壝但捫疇範古江山長惜史才卑千秋

YORK UNIVERSITY

MAY 15 2001

EAST ASIAN STUDIES

梁董登樓賦淚灑芳洲杜若枝  
掛席名山記昔游長吟西北有高樓丈夫一舉如黃鶴江  
水中流問白鷗悄悄歸帆背天姥亭亭明月落揚州祇今  
翦翮樊籠裏過眼繁華萬事休







